

至
寶
真
經

純陽祖仙師聖像



昊天至尊玉皇大帝降示至寶真經

序

茫茫浩劫，節節臨頭，嗟彼生民，醉生夢死，不特不知禍由自取反而怨天尤人。夫天地之德，以好生爲德，又豈忍以瘟疫饑饉，天災橫禍臨民也哉。無如爲善者少，作惡者多，平日欺爭殺奪，奸盜邪淫，其孽積成，報應不爽，是以風雷水火，所以除暴安良也，天災流行，所以警人悔悟也。奈何世之人也，不自醒覺，重以人禍，於是刀兵盜賊相繼，而天災人禍，轉輪於斯世，無止境焉，此三期末劫之所以有見於今日也。

然則挽狂瀾於既倒，果以誰爲中流砥柱乎，曰無他

，不外從個人造起耳。夫齊家治國平天下，亦從誠意正心修身得來，是故聖賢仙佛，諄諄垂教，萬經千典，皆欲正人心而利世俗，救末劫而度迷淪，使人心而天顏霽，人罪滅而天福臨，以是因緣，則天清地寧，豈不快哉。無如九二原人，迷戀生死趣，離天日遠，善根日薄，慧力潛消，每見玄科寶誥，輒云迷信之書，一聞勸善懲奸，便謂腐儒口吻，縱不唾之罵之，亦必望望然去之，其有惡根深重者，更無論矣。嗚呼！天非不欲拯斯民於水火之中，而斯民實自陷於萬劫不拔之地也。朕因內相呂真之奏，以其救凡心重，特許設壇廣州，飛鸞顯應，感化愚頑，辟異端而彰正道，擬將其救劫赦罪之至寶真經降示門人，流傳度世，爰命呂門弟子何氏，再創壇台，秉木筆而宣法典，就經

名以命台名，復遣諸神感應，使傳經救世，亟挽瀕淪
，人人持誦，所求必應，人心感化，世界昇平，願世
之人，殷勤尊重，其勿負呂真一片婆心可也。

天運壬午冬下元認日

玉皇御筆降序於廣州至寶台

祝香讚

凝神默運 敬爇龍涎 壇庭瑞

靄繞祥煙 說法誦真言 誠意

恭虔奉請衆真仙 朝禮

香雲浮蓋大天尊三稱

安神咒

功曹值日 土地祇靈 宅司真

宰香火神明 有銜聖衆 護

衛誦經 送迎仙侶 潔淨壇庭

同修道果
贊化瑤京

淨水咒

天一開源
涵育萬元
在卦爲

坎
甘露之泉
滌除凶穢
沾

潤山川
楊枝輕洒
普散愁團

吾今持咒
潔淨週全

淨壇咒

天地清靈
祥光滿庭
左龍右

虎
侍衛誦經
千邪萬穢
一

掃而清
驅除鬼妖
殄滅邪精

皈依大道
元亨利貞
吾奉

呂祖先師
急急如律令

淨口咒

天門開合
吐納陰陽
勿迷五

味
冰雪心腸
慎言篤行
信

義維揚
浩然一氣
讚誦靈章

齒牙留慧
唇舌生香

淨身咒

三光照耀 兩大生成 五官百骸 保氣煉形 無爲爲用 常靜常清 勤修正道 五臟圓明 功成行滿 朝禮玉京 淨心咒 至靈鍾會 玄妙玄微 一身主宰 萬法不離 靈台潔淨 無妄無非 清虛是念 廣沐慈悲 常明萬古 不昧不迷

啓奏儀

恭聞意念虔誠 無求不應 神
明正直 感而遂通 焚柏子之
香 祥煙繚繞 燃木樨之瓣
瑞氣繽綉 瞻紫府以投誠 望
玄穹而頂禮 恭虔讚誦 敬謹
宣揚 仗此真香 百拜奉請
玉清聖境清微 天宮無極 大道元始
天尊

上清真境禹餘天宮真文寶籙靈寶

天尊

太清仙境大赤天宮虛無自然道德

天尊

太平開天普度含靈中天至聖仁義

古佛玉皇大天尊玄穹高上帝

廣大圓通如來佛祖

大成至聖孔子先師

天雷上相靈寶真人

輔元立極東華大道帝君
太極左宮開悟傳道正陽垂教帝君
玉清內相金闕選仙純陽演政警化
孚佑帝君
海蟾明悟宏道純佑帝君
全真開化重陽輔極帝君
無爲主教長春邱大真人
玉封道果宏教真人盧柳二大仙君
羊城闡教慈悲護道玄憲黃大真君

仙壇贊化妙道玄通志能李大真君
樵陽得道神威伏虎白眉真人
度凡覺迷大羅劍仙碧羅仙師
蓬萊閬苑列御高真
仙壇之上有銜聖衆
大羅天上有請不盡之龍銜
列御衆聖光臨悉仗真香普同

供儀今據省縣鄉利
向居住信士生居中土忝

處人倫 感兩大以生成 荷三
光而照耀 報答無由 言念信
神恩有賴 無明久蔽 沉迷
士積孽障身 莫悟誰超苦海之身 罪咎潛
滋難度輪迴之慘 欲求懺悔
上乞天恩 伏願
純陽呂祖 先師 憑經 救拔 仗法
匡扶 赦其已往之愆 開以自

新之路 解除災厄 廣被洪慈
仰祈恩庇 信士 星庚光彩 命
宇輝華 四政三方 吉星高拱
九宮八卦 惡曜無逢 年無半
點之災 日有泰來之慶 門庭
光奕 家宅康寧 火盜無侵
刀兵不染 凡諸未白 統荷
鑒原 謹自虔誠 誦經如法

開經偈

三教源歸一善同
經中妙義盡
週隆焚香淨念稽首禮
天上
人間默感通
衆生得度歡無限
他日瑤池會上逢
惟願真仙來
諦聽凡誠鑒納自和融
純陽呂祖
先師寶誥

志心皈命禮

玉清內相
金闕選仙
化身爲
三教之師
掌法判五雷之令

黃梁夢覺 忘世上之功名 寶
劍光騰 掃人間之妖怪 四生
六道 有感必孚 三界十方
無求不應 黃谷磯頭留聖蹟
玉清殿內煉丹砂 存芝像於山
崖 顯仙踪於古洞 闡法門之
香火 作玄嗣之梯航 大聖大
慈 大仁大孝 開山啓教 元
應祖師 天雷上相 靈寶真人

純陽演政警化孚佑帝君三曹主宰
興行妙道天尊
全真開化重陽帝君寶誥

志心皈命禮

先天至聖 不朽金仙 廣垂法
力 度濟愚賢 積功偉大 道
法 萬千 泛濫郡州 萬儒受點
宣揚道較 不辭舌尖 頑石點
頭 豚蛇煅煉 七真銜賜 功

蓋凌烟 位列金仙 玉清靈顯
常存慈愛 照遍大千 至靈真
宰 至上法嚴 垂世不朽

全真開化重陽帝君道德天尊
長春邱大真人寶誥

志心皈命禮

龍門演政 太極流芳 秉道教
之真宗 度含靈於五濁 長春
不老 爲法界之狀元 大德難

量 作後人之模範 黃金冠戴
沐聖主之鴻恩 鶴氅衣披 脫
塵凡之垢穢 逍遙天外 普濟
羣生

大仁大孝無爲主教長春邱大真人
玄憲黃大真君寶誥

志心皈命禮

龍門得道 羊石開宗 施化雨
於塵寰 闡玄風於洞府 心存

濟世 大羅早列乎真仙 功積
救民 金闕已登乎天梯 飛鸞
傳道 醒凡俗之沉迷 奉 旨
開壇 救急危之病患 佐祖師
而佈化 發三教之淵源 劍氣
毫芒 妖邪莫近 壺天浩蕩
男女蒙庥 威靈赫赫 心默感
而能通 德義巍巍 人有求而
必應

玉封金闕慈悲護道玄憲闡教黃大

高真

志能李大仙寶誥

志心皈命禮

名山得道海外成真走電塵

毫得縮地壺公之法行符咒

水爲補天媧女之誠大法難

量奇功莫測文成倚馬力

並探龍在至寶而度盡凡夫

在瑯玕而職司仙藉

玄通廣大瑯玕贊化志能李大真君
白眉仙師寶誥

志心皈命禮

樵陽得道 羊石飛鸞 力敵萬

夫 仗威靈而伏虎 功昭百世

得大道以降龍 心廣體胖 善

養浩然之氣 唇紅眉白 當爲

丹士之英 醉卧白雲 一覺醒

來忘世俗 駕臨珠海 年啓 歷

化衆愚迷

神威伏虎靈通濟世白眉真人

碧羅仙師寶誥

志心皈命禮

大羅劍客 巾幗英雄 仗俠義

於凡間 拯危救苦 現玉容於

符上 貌美性慈 四相既空

化莊嚴而萬民景仰 三生得道

成功果而百世流芳 既允武而
復允文 即大仁而又大孝
度凡覺迷大羅劍仙碧羅黃大仙師
純陽呂祖先師救劫赦罪至寶真經
吾^帝是唐朝進士 棄官煉道廬山
九九還原抱一 飛昇位列仙班
悟破黃梁一夢 深知民瘼攸關
隱顯心存濟世 鸞乩處處開壇
妙藥救人病苦 傳經冀挽時艱

勸爾衆生速醒
大劫當頭悽慘
頃刻陰陽立判
善者逢凶化吉
此因心靈感召
世有不忠不孝
作事殃民肆虐
倚勢欺凌孤寡
此等衆生受報
休來再恃蠻頑
吾^帝言勿作爲閒
心存善惡之間
惡人逃劫爲難
禍福循理廻環
機謀變詐貪殘
委棄骨肉飄單
結黨暴戾兇殘
難逃肢解刑闕

死墮油湯地獄
或抱烈火銅環
其或貪財非義
以及奸盜邪淫
扶助惡人爲惡
損人利己爲心
褻瀆聖賢仙佛
無故宰殺生禽
耽酒吸煙賭博
狎邪喚妓迷沉
作爲無益等事
耗散有用黃金
豈知積成罪咎
冤愆暗伏深深
一俟惡花成熟
刀兵火盜災侵
此時悔恨已晚
徒然兩淚漓淋

更有刀山地獄
還當受報冥陰
至若怨天恨地
時常罵雨呵風
不敬五穀五米
妖裝異服頭蓬
婦人逞其長舌
唆夫罵婆罵公
不顧禮義廉恥
行爲禽獸相同
癘疫瘟災饑饉
原爲此輩所宗
先自披毛戴角
安得不入牢籠
如有聞經懺悔
改過向善立功
則有祥光耀頂
自然災煞成空

吾^帝在天中呵護
又遣諸神相助
覺岸回頭不遠
聽我^帝言說章句
禮義信廉節惠
九美奉行不怠
豈祇能消浩劫
人若勤修正道
禍福由人自召
救凡法術能通
天災人禍無逢
皈依大道圓融
從今勿再愚蒙
仁慈孝順和忠
加以內外善功
還堪仙爵高封
所求事事皆通
何苦自昧其衷

道教無爲清淨
儒言允執厥中
佛學眞如本性
原爲萬法皆空
三教同歸一善
細求三寶能逢
在世當修世法
五常八德爲宗
學道先參外果
然後伏虎擒龍
搬運鉛汞交接
金丹火候和融
地軸轉通乾谷
天關姤退坤宮
鼓巽風而煅煉
運離火以燒紅
太乙壺盈玉露
黃庭丹結中宮

自有真師指點 豁然一旦貫通
但願人求真樂 超然自拔凡庸
漸漸離迷入覺 雙修性命爲宗
此則大乘證果 尤當旨抱大同
化己化人歸正 同登極樂天宮
大道光明萬載 含和常配虛空

結經懺

心殷濟世 妙道垂經 祖師法
力度群靈 維帝君德馨 消滅

災星 福壽永康寧 朝禮

靈通感應天尊三稱

收經偈

願以至寶經 普救衆含靈
止於至善路 大道永圓明

圓滿讚

誦經功德 不可思議 諸天諸
地衆神祇 皇王壽夭齊 大道
慈悲 萬化樂雍熙

純陽呂祖先師賜示誦經真訣

一瓣心香達上蒼
裊裊經音動覺皇

聽法聞經佳果熟
便知高足誦庭黃

經不貴於誦，經不貴於儀，所貴者、貴乎身體力行也。口而誦，心而維，則誠自出，由誠而敬，則儀自出，心既維之。則誦自出，是以誦與儀，皆其次也。然初學者未足以語此，必先正其儀容，誦之令熟，講之令明，行之令尊，久而久之，欲罷不能，於是誦經之妙出矣。陸子學誦經乎，既明誦經之奧妙，則字音如何，可不必計，因為中國字音不一也。今先將玄門誦經規矩，畧一說之。晨興盥洗畢，向東方吸生氣一口

，叩齒集神，緩步中庭約三十六步，朝東禮拜或三拜、九拜，然後閉目注想金容，所謂敬如在也。並須屏絕一切凡念，從容不急，雙手抱拳、或結太極，稱揚聖號三通，然後徐徐誦經，麋鹿興於前而不顧，泰山崩於後而不動，專心味於經意，不取其急，不取其緩，溫柔敦厚，句讀分清，總以其誠，不取其多，心有雜念，不宜捧誦。至於禮儀，不拘坐，立、跪，坐則盤足抱拳，立則平足抱拳，跪則膝平抱拳，勿橫視，勿涕吐，此晨與誦經之微儀也，至夜朝北斗，則不能立誦經文，必當下跪矣。

印送『至寶真經』壹仟本善長芳名錄

- | | | | |
|-----------|--------|--------|-----------|
| 戴銘修捐壹佰五拾元 | 張前源式拾元 | 廖永修壹拾元 | 林垂華五元 |
| 謝劍修壹佰元 | 林滕蓮伍拾元 | 郭亦蓮式拾元 | 陳本偉壹拾元 |
| 林勝修壹佰元 | 麥圓修叁拾元 | 盧葦生壹拾元 | 林德潤壹拾元 |
| 何陶修伍拾元 | 蔡標蓮叁拾元 | 楊錦蓮壹拾元 | 吳愛瓊壹拾元 |
| 許玄修合家伍拾元 | 潘志華式拾元 | 黃啓錫壹拾元 | 林敏忠壹拾元 |
| 林泉外伍拾元 | 孔沛立式拾元 | 何贊宗壹拾元 | 林溥光壹拾元 |
| 傅澤南伍拾元 | 楊國燈式拾元 | 周卓權壹拾元 | 何東壹拾元 |
| 陸燕修伍拾元 | 李添成式拾元 | 溫啓穩壹拾元 | 黃葆基五元正 |
| | | | 交德信印務公司承印 |
- 以上三十八位善長合計樂助港幣壹仟元正
 至寶真經壹仟本印刷費共壹仟元正（數目收支兩訖）

天運丁巳年季夏重刊
 （非賣品）

送經處：挽道堂有限公司
 北角書局街美輪大廈十八樓

雲泉仙館有限公司
 德輔道西325號五樓

歡迎翻印，流通傳誦，功德無量。
 電話：五—四七二五六九